

所藏書目

層一 數部	漢書門	番號
	經	
	書	

1399

1399

1399  
vol 40

四十一

欽定儀禮義疏卷第三十八

少牢饋食禮第十六之二

祝出迎尸于廟門之外。主人降立于阼階東。西  
面祝先入門右。尸入門左。

**正義**鄭氏康成曰。主人不出迎尸。伸尊也。賈疏祭統云。尸在廟門外。

則疑于臣。故主人不出迎尸。伸尊也。特牲饋食禮曰。尸入。主人及賓皆辟

位。出亦如之。賈疏。尸出入時。主人與賓在位上。皆逡巡辟位。敬尸也。祝入門右者。

辟尸盥也。既則後尸。賈疏。下經祝延尸。注云。由後詔相之曰。延是後尸也。

**案**入門以東為右西為左尸入門左將升西階也

宗人奉槃東面于庭南。一宗人奉匜水西面于槃東。一宗人奉簞巾南面于槃北。乃沃尸盥于槃上。卒盥坐奠簞取巾興振之三以授尸坐取簞興以受尸巾。奉並芳勇反

**正義**鄭氏康成曰庭南沒雷賈疏庭南者于庭近南是沒盡門屋雷也特牲云尸

入門北西盥離門而言即亦沒雷也

教氏繼公曰庭南于入門左之位為少北于此俟之亦異于士。李氏如圭曰槃匜簞

巾先設于西階東尸入門左至門內雷三宗人奉器就之。

**案**此宗人有三。即特牲記所謂奉槃者東面執匜者西

面執巾者在匜北也。但彼未必皆宗人耳。乃沃者記所

謂沃尸盥者一人淳沃是也。以授尸記所謂宗人東面

取巾振之三南面授尸也。以受尸巾記所謂卒執巾者

受也。蓋奉簞巾之宗人初時巾在簞上。至尸卒盥乃坐

奠簞取巾南面授尸。至尸挽手卒而後受之以實于簞

也

祝延尸。尸升自西階入。祝從。

**正義**鄭氏康成曰。由後詔相之曰延。延進也。周官曰。大

祝相尸禮。賈疏彼注云。謂延其出入。詔其坐作也。祝從。從尸升自西階。

敖氏繼公曰。特牲禮尸至于階。祝延尸。祝從。從其升而

入也。祝入亦南面。

主人升自阼階。祝先入。主人從。

**正義**鄭氏康成曰。祝接神先入宜也。敖氏繼公曰。上

曰云尸入祝從。則祝固已入矣。復云祝先入者。明其先于

主人。

尸入

尸升延祝。主人西面立于戶內。祝在左。

**正義**鄭氏康成曰。主人由祝後而居右。尊也。祝從尸。尸

即席。乃卻居主人左。敖氏繼公曰。在左者。當為主人

釋妥尸之辭也。在左之義。見聘禮。

**正義**室中西面。主人之定位也。祝位。負北墉南面。有事于

次定義禮義流  
少年饋食禮

神尸則變位。

祝主人皆拜安尸尸不言尸答拜遂坐

鄭氏康成曰拜安尸拜之使安坐也尸自此答拜

遂坐而卒食其閒有不啐奠不嘗鉶不告旨

告旨生人拜尸答拜祭鉶嘗之告旨不得遂坐此經云答拜遂坐則無此數事大夫之禮尸彌

尊也不告旨者為初亦不饗所謂曲而殺

賈疏特牲禮主人拜安尸

答拜執奠祝饗主人拜如初注云饗勸強之也其辭

尸不言則女有辭矣尸于既拜乃坐亦變于士所以升

筵而未即坐者以主人尊故也

不言以象神之恭默也又案特牲尸先執奠祝饗

尸左執觶右取菹擗醢以祭又祭酒啐酒告旨又祭鉶

嘗之告旨所以執奠啐酒者彼有嗣舉奠之禮故以此

始之也少牢無舉奠故初即不啐酒與

祝反南面

鄭氏康成曰未有事也

賈疏釋祝反南面也墮祭爾敦官各

次定義禮義流

少牢饋食禮

四

肅其職不命。賈疏言祝無事之義。諸官各肅其事不須命。故祝得反南面。

敖氏繼

公曰。安尸事畢也。南面云反。以見從尸入時位在此。不饗亦大夫禮異。

南面者祝先入之初位也。迨致祝辭則在左。至此尸

坐。祝無事。復其先入之初位。故曰反特牲。安尸後有祝

饗命。接祭命爾敦諸事。此既無之。唯二佐食相尸食。故

祝反南面。至尸告飽而後復西面于主人之南。侑食也。

尸取韭菹。辯揆于三豆。祭于豆閒。

辯音徧。下如同。換如員反。又如

悅反一作儒。今大辯為徧。

鄭氏康成曰。將食神餘尊之而祭之。

豆以菹為上。醢次之。韭菹又在葵菹之上。故尸自取

韭菹。揆于三豆以祭。揆于三豆則葵菹亦稍取之矣。

上佐食取黍稷于四敦。下佐食取牢一切肺于

俎。以授上佐食。上佐食兼與黍以授尸。尸受同

祭于豆祭。

鄭氏康成曰。牢羊豕也。同合也。合祭于菹豆之祭

也黍稷之祭為墮祭。孔氏穎達曰郊特牲云祭黍稷加肺報陰也。謂尸既坐綏祭之時祭黍稷加之以肺言兼肺而祭肺陰類親形魄歸地是陰以陰物祭之故云報陰也。敖氏繼公曰牢一切肺羊豕各一也言兼與黍而不言饗也。者耳同猶兼也。豆祭豆實所祭之處。

上佐食舉尸牢肺正脊以授尸。上佐食爾上敦黍于筵上右之。



敖氏繼公曰此于所舉者皆繫以尸明其為尸物

也肺脊先食舉之亦明不與他舉同。重言上佐食者授舉之後尸有事也不言振祭嚙之文省耳。右之蓋當尸

前之南。鄭氏康成曰爾近也。或曰移也。右之便尸食

也。敖氏繼公曰謂黍在尸右。重言上佐食明更起不相

因。賈氏公彥曰舉尸牢肺脊坐而取之與以授尸更

坐而爾敦黍不因前坐也。曲禮云飯黍毋以箸。古者飯

食不用匙箸就器中取之故移之席上以便尸食。特牲

云爾黍稷。此不云稷者。文不具。李氏如圭曰。牢肺。離肺也。

主人羞所俎。升自阼階。置于膚北。

**四**鄭氏康成曰。羞。進也。親進之。主人敬尸之加。賈疏以其

為尸特加。故云加。敖氏繼公曰。升自阼階者。嫌進俎者必升

自西階。故以明之。置亦橫設之也。賈氏公彥曰。特牲

之俎。膚從豕俎。故所。在。腊。北。此五俎有膚俎。故所。在。膚

北。

一。佐食羞兩鉶。取一羊鉶于房中。坐設于韭菹

之南下。佐食又取一豕鉶于房中。以從。上佐食

受。坐設于羊鉶之南。皆芼。皆有柶。尸扱以柶祭

羊鉶。遂以祭豕鉶。嘗羊鉶。

**五**鄭氏康成曰。芼。菜也。羊用苦。豕用薇。皆有滑。賈疏。公食

大夫記。鉶。芼。牛薺。羊苦。豕薇。皆有滑。敖氏繼公曰。上佐食受。與受之也。

故下云坐設芼。以菜和物之名。祭鉶亦于豆祭也。下篇

云。以羊鉶之柶扱羊鉶。遂以扱豕鉶。祭于豆。祭若公食



禮用大牢。則祭鉶于上。鉶之間與此異。郝氏敬曰。祭鉶嘗鉶以下。皆右手為之。

**案**尸祭韭菹至此。尸未有食者。此羞羊鉶豕鉶。而尸嘗羊鉶。蓋羊為少牢。必先嘗之。以明大夫祭禮之正也。

### 食舉

**正義**敖氏繼公曰。特牲禮云。乃食。食舉謂一飯則食舉以安之也。士昏禮亦然。則此亦當先飯而後食舉也。不言乃食。文有既漏也。鄭氏康成曰。舉。宰肺正脊也。先

食啗之。以為道也。賈氏公彥曰。特牲舉肺脊以授尸。尸受振祭。嚼之。注云。肺氣之主也。脊體之貴也。先食啗之。所以道食通氣是也。

**補遺**賈氏公彥曰。特牲食舉下。乃云羞所俎者。是其正。以食舉後。尸即嚼幹之屬。加于所俎也。此食舉在羞所之下者。由主人敬尸。故先羞所。不退在下也。

**案**所俎所以敬尸。大夫士同也。特牲先食舉。後羞所。此先羞所。後食舉。禮尚相變耳。如以此為敬尸。則是士不

敬尸也不可通矣。

三飯。飯父晚反下同

**正義**鄭氏康成曰。食以黍。賈疏以前文先言爾黍故知先食黍也

上佐食舉尸牢幹尸受振祭。嚙之。佐食受加于

所。注古文幹為肝

**正義**鄭氏康成曰。幹。正脅也。賈疏上食舉是正脊。故此食幹亦先取正脅也。特牲

云。食幹。鄭注。長脅也。彼序九體。有長脅無代脅者。鄭注云。脊無中。脅無前。貶于尊者。故與此異也。

上佐食羞豕。兩瓦豆有醢。亦用瓦豆。設于薦豆

之北

**正義**鄭氏康成曰。設于薦豆之北。以其加也。四豆亦得。

羊豕在南。豕豕在北。敖氏繼公曰。謂羊在西。豕在東。列之北。敖氏繼

公曰。薦豆兼二列而言也。無腫臄。其遠別于大牢之禮。

與禮用大牢。庶羞乃有腳腫臄。

**正義**鄭氏康成曰。無腫臄者。尚牲不尚味。賈疏特牲畧于少牢。故有

腫臄。此少牢一牲。故不尚味。而無腫臄也。

**案**特牲畧。反有腫臄。而大夫無之。此所謂舛也。鄭注于

次定義。禮記疏。卷之九。少牢饋食禮。九。

特牲已誤。故此為尚牲不尚味之說。愈曲而愈支已。

又案爾雅釋器。木豆謂之豆。瓦豆謂之登。生民詩于豆

于登。公食禮。大羹濟不和。實于盞。即登也。此馘及醢皆

用兩瓦豆。則薦豆用木豆。而加豆用瓦豆與。

尸又食。食馘。上佐食。舉尸一魚。尸受。振祭。嘑之。

佐食受加于所橫之。

**正義** 鄭氏康成曰。或言食。或言飯。食大名。小數曰飯。賈

特牲少牢言三飯五飯九飯之。魚橫之者。異于肉。教

氏繼公曰。尸食馘。亦異于士橫之。象其在魚俎也。此亦

于俎為縮。於人為橫。然則佐食於加物于所俎之時。其

亦西面與。賓尸益送之俎。皆于羊俎南載之。與此禮同。

郝氏敬曰。尸又食。舉魚食馘。四飯也。

**案** 凡言橫載者。皆據俎言。言橫之者。皆據人言。

又食。上佐食。舉尸腊肩。尸受。振祭。嘑之。上佐食

受加于所。

**正義** 鄭氏康成曰。腊魚皆一舉者。少牢二牲。畧之。腊必

舉肩以肩為終也。別舉魚腊，崇威儀。賈氏公彦曰：特牲三舉獸魚，以其牲少故也。二牢二牲，體足可舉，故腊魚但一舉也。腊如牲骨，但舉一肩。肩尊以為終，取其成義。特牲獸魚皆與牲體一時同舉，而此別舉。大夫之禮崇也。特牲腊魚皆三舉，故先舉腊，後舉魚。少牢腊魚皆一舉，故使魚在先，腊在後。肩取其終義故也。敖氏繼公曰：肩，右肩也。骨體唯肩為尊。腊但一舉，故即用其尊者也。別舉魚腊，大夫禮異也。此言上佐食受，則前後所

謂佐食受者皆其上者也。郝氏敬曰：又食舉腊肩，五

飯也。

又食。上佐食舉尸牢骼如初。

**正義**鄭氏康成曰：如舉幹也。郝氏敬曰：又食舉牢骼。

六飯也。

又食。

**正義**鄭氏康成曰：不舉者，卿大夫之禮。不過五舉，須侑

尸。賈疏：五舉者，牢肺脊一也，牢幹二也，一魚三也，腊肩四也，牢骼五也。

郝氏敬曰：又食。

不舉七飯也

尸告飽。祝西面于主人之南。獨侑。不拜。侑曰。皇尸未實。侑。

**正義** 鄭氏康成曰。侑。勸也。祝獨勸者。更則尸飽。賈疏與主人相

更勸則實猶飽也。祝既侑復反南面。賈疏尸北南面位。 敖氏

繼公曰。侑尸之禮。祝固不拜矣。乃言之者。嫌主人不拜。祝獨侑則或當拜也。祝獨侑亦與士禮異。

**通論** 賈氏公彥曰。此與特牲皆有尸飯法。天子諸侯亦

當有之。故大祝九拜之下云。以享侑祭祀。注云。侑勸尸食而拜。蓋士三飯即告飽而侑。大夫七飯告飽而侑。諸侯九飯告飽而侑。天子十一飯而侑也。

尸又食。上佐食舉尸牢肩。尸受振祭。嚼之。佐食受加于斝。

**正義** 鄭氏康成曰。四舉牢體。始于正脊。終于肩。尊于始

終。賈疏正脊及肩皆體之貴者故先舉脊為食之始後舉肩為食之終尊之也。 敖氏繼公

曰。三舉骨體。始于幹。終于肩。亦自卑而尊也。此禮或三

飯而舉。或一飯二飯而舉。又別其魚腊。各自為舉。數皆與士異也。郝氏敬曰。尸又食。舉牢肩。八飯也。

尸不飯告飽。祝西面于主人之南。

**正義** 敖氏繼公曰。不飯而告飽。又變于上。鄭氏康成

曰。祝當贊主人辭。賈氏公彥曰。以其西面。是祝之有

事之位。故從負墉南面之位。鄉西面位也。

主人不言拜侑

**正義** 鄭氏康成曰。祝言而不拜。主人不言而拜。親疏之

宜疏祝言而不拜者。疏也。主人不言而拜者。親也。

敖氏繼公曰。祝為之辭。

故不言也。

尸又三飯。

**正義** 鄭氏康成曰。為祝一飯。為主人三飯。尊卑之差也。

十一飯。士九飯。敖氏繼公曰。于舉肩之後。又三飯。為

主人加也。

上佐食受尸牢肺正脊加工所。

**正義** 鄭氏康成曰。言受者。尸授之也。尸受牢幹而實舉。

于菹豆。食畢。操以授佐食焉。賈氏公彥曰。上文初食舉。謂正脊與牢肺。不言置舉之所。至此尸十一飯後。乃言受尸牢肺正脊加于所。約特牲舉肺脊。其時尸實舉于菹豆。今尸食畢。尸乃于菹豆上。取而授上佐食。上佐食受而加于所也。敖氏繼公曰。佐食亦反上敦黍于其所。經文畧也。

**正義** 敖氏繼公曰。言受。明尸未嘗奠之也。特牲禮既舉幹魚。尸曾舉于菹豆。故食畢。自舉加于所。與此禮異。

郝氏敬曰。左手執肺脊。至十一飯畢。然後以授佐食也。**案** 尸亦當如特牲實舉于菹豆。且經不見之者。文畧也。若左手執之以終十一飯。則為尸者不亦勞乎。冬寒。何以堪焉。究當以注疏為正。

### 右尸食

主人降。洗爵。升北面酌酒。乃酌尸。尸拜受。主人

拜送。

酌羊進反注  
古文酌作酌

**正義** 敖氏繼公曰。云北面酌酒。見凡酌于此者之面位。

也。尊東西設勺南柄而北面酌之。則非酌于此者。其面位亦可得而推矣。鄭氏康成曰。酌猶羨也。既食之而

又飲之。所以樂之。賈疏取饒羨之義。故以為樂之。

尸祭酒。啐酒。賓長羞宰肝。用俎縮執俎。肝亦縮

進末。鹽在右。長知大反。下竝同。注古文縮為獻。

**正義** 鄭氏康成曰。鹽在肝右。便尸換之。賈疏鹽在肝左。據賓長西面手

執而言。尸東面。若至尸前。鹽在尸之左。尸以右手取肝。鄉左換之。是其便也。 敖氏繼公曰。

縮執俎者。執其左右廉也。肝進末。即體進下之意。鹽在

肝右。則羊肝在豕肝之左。與祭禮進末。則昏禮之肝從

當進本也。

**案** 此如特牲所謂主人獻尸。賓長以肝從是也。

尸左執爵。右兼取肝。換于俎。鹽振祭。噉之。加于

菹豆。卒爵。主人拜。祝受尸爵。尸答拜。

**正義** 鄭氏康成曰。兼兼羊豕。 敖氏繼公曰。于尸未授

爵而主人拜。故祝亦不相爵。皆大夫禮異也。下凡與特

牲異者。皆放此。



### 右主人酌尸

祝酌授尸。尸酌主人。主人拜受爵。尸答拜。主人

西面奠爵又拜。

醋才各反與酢同

**正義**

鄭氏康成曰。主人受酢酒。俠爵拜。彌尊尸。賈疏使祝代酌。

已。是尊尸。主人拜受訖。又拜。為俠拜。是彌尊尸也。

敖氏繼公曰。初拜固西面。

矣。此言之者。著受爵而反位也。主人受酢爵而俠拜。亦

大夫禮異也。

上佐食取四敦黍稷。下佐食取牢一切肺。以授

上佐食。上佐食以綏祭。

綏呼規反。與墮墮同。注上文。綏為所。敖氏改作授。不可從。

後綴祭同

**正義**

鄭氏康成曰。綏。或作授。授。讀為墮。將受嘏。亦尊尸

餘而祭之。賈氏公彥曰。周官守祧。既祭則藏其隋。取

墮減之義也。主人受嘏之時。先隋黍。是以佐食授黍稷。

與主人為墮禮。

**正義**

敖氏繼公曰。綏。當作授。授祭者。授主人以祭也。以

此使之祭。若尊者賜之食然。

敖氏說已于特牲禮辨之。

主人左執爵。右受佐食。坐祭之。又祭酒。不興。遂

啐酒。

**鄭氏康成曰。**右受佐食。右手受墮于佐食也。至此

言坐祭之者。明尸與主人為禮也。尸恆坐。有事則起。主

人恆立。有事則坐。賈疏禮器云。周坐尸。曲禮云。立如齊。注云。齊謂祭祀時。則是尸常坐。主人

祭時則常立。經云。坐祭之。謂墮祭尸餘。是尸與主人為禮。是主人有事乃坐也。尸答主人拜乃立。是尸有事則

起也。

祝與二佐食皆出。盥于洗。入。二佐食各取黍于

一敦。上佐食兼受。搏之以授尸。尸執以命祝。搏

官反

**敖氏繼公曰。**三人皆為將執所嘏之物而盥。敬其

事也。各取黍。上者取于上敦。下者取于下敦。黍上敦在

西。下敦在東。**鄭氏康成曰。**命祝以嘏辭。賈疏謂命祝使出嘏辭以

嘏于主人。下文是也。

卒命祝。祝受。以東北面于戶西。以嘏于主人曰。

皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引

之。女並音汝來如字注古文 嘏為格祿為福 眉為微替為袂袂或為載載替聲相近

**正義** 敖氏繼公曰受受黍也東北面鄉主人于尸西者

為尸致嘏宜近尸也來如來禹之來來之者欲其進而

受黍也 鄭氏康成曰嘏大也予主人以大福工官也

承猶傳也耕種曰稼勿猶無也替廢也引長也言無廢

止時長如是也 李氏如圭曰特牲尸親嘏主人此使

祝嘏者大夫尸尊特牲無嘏文不具也

**正義** 鄭氏康成曰來讀曰釐釐賜也

**案** 承致即傳賜之意若來字作賜字解則于致字意為

複

主人坐奠爵興再拜稽首興受黍坐振祭嘑之

詩懷之實于左袂挂于季指執爵以興坐卒爵

執爵以興坐奠爵拜尸答拜執爵以興出宰夫

以奠受盥黍主人嘗之納諸內

挂音卦注古文挂作卦

**正義**鄭氏康成曰詩猶承也實于左袂便右手也季猶小也出出戶也宰夫掌飲食之事者收斂曰嗇明豐年乃有黍稷也復嘗之者重之至也賈疏前已嚼之今復嘗之是重受祿之至納猶入也敖氏繼公曰云坐奠爵是立聽嘏也與少進受黍復位乃坐祭嚼之也宰夫受黍主人左執爵乃取而嘗之而納之內謂邊中既嚼之復嘗之亦大夫禮異也此嘏禮詳于特牲者大夫尊尚多儀也

**通論**

賈氏公彥曰此宰夫以籩受大夫之禮特牲祝以

籩受士禮也春官鬱人職云大祭祀與量人受舉罍之卒爵而飲之鄭云罍受福之嘏聲之誤也王酌尸尸嘏王此其卒爵也少牢禮主人受嘏詩懷之卒爵執爵以興出宰夫以籩受嗇黍此鬱人受王之卒爵亦王出室時也是王受嘏與大夫同也詩楚茨注嘏之禮祝徧取黍稷牢肉魚換于醢以授尸孝孫前就尸受之天子使宰夫受之以筐祝則釋嘏辭以救之

**存疑**

賈氏公彥曰天子嘏辭與大夫同

特牲尸親嘏主人。注云。其辭則少牢有焉。是士與大夫嘏辭相同。但士尸親嘏。不命工祝。則首句須易耳。天子諸侯嘏辭。惟天保詩有曰。君曰卜爾。萬壽無疆。而楚茨詩曰。工祝致告。祖賚孝孫。苾芬孝祀。神嗜飲食。卜爾百福。如幾如式。既齊既稷。既匡既勅。永錫爾極。時萬時億。是天子嘏辭也。朱子以爲公卿之嘏辭。然末章云。小大稽首。禮。大夫之臣不稽首。公卿安得有小大稽首之事。則當從孔疏以爲天子之嘏辭與。蔡邕集漢辭云。高皇帝使工祝承致多福無疆于爾嗣曾孫皇帝。使爾受祿于天。宜此舊都。萬國和同。兆民康乂。眉壽萬年。子子孫孫。永守兆民。勿替引之。蓋推少牢大夫禮嘏辭而增損爲之。

### 右尸酢主人嘏

主人獻祝。設席南面。祝拜于席上。坐受。

**正義** 敖氏繼公曰。亦先設席。乃酌獻之。鄭氏康成曰。

拜于席上。室中迫狹。賈疏。大夫士廟室皆兩下五架。正中曰棟。棟南兩架。北亦兩架。棟南

欽定義禮義疏 卷三 少牢饋食禮

一架名曰楹。前承檐以前名爲殿。棟北一架爲室。南壁而開戶。卽是一架之開廣爲室。故云迫狹也。

### 主人西面答拜。

**鄭氏**

康成曰。不言拜送。下尸。

賈疏上主人酌尸。尸拜受。主人拜送禮重。

此獻祝。祝拜受。主人答拜。禮輕。

敖氏繼公曰。答拜卽拜送也。

**敖說**固直截然。經文于此不無輕重之差焉。故兩存之。

### 薦兩豆。菹醢。

**鄭氏**

繼公曰。薦者亦宰夫也。下篇云。主婦獻祝。宰

薦黍稷。此宜如之。其設之亦菹在酉醢在東。菹醢

韭菹醢醢也。蓋祝邊以尸之上邊。則其豆亦當以尸之

上豆也。不賓尸禮。主人主婦之薦皆以韭菹醢醢。則此

可知矣。

**鄭氏**

康成曰。菹菹。羸醢。

賈氏公彥曰。上去韭菹

醢醢。朝事之豆也。而饋食用之。豐大夫禮。菹菹羸醢。是

饋食之豆。當饋食之節。是其常事。今祝用之。亦其常事

故知用菹菹羸醢也。

大夫祭雖無朝事。而豆則以朝事之。豆始之。韭菹醢醢。上經薦于尸者已然。無嫌也。祝殺其二以下於尸。而非菹醢醢則同。敖氏以上。遵備之是也。更以聘禮及公食大夫禮統觀之。則識用豆之法矣。

佐食設俎。牢髀橫脊一。短脅一。腸一。胃一。膚三。魚一橫之。腊兩髀屬于尻。

**正義**鄭氏康成曰。皆升下體。祝賤也。賈疏髀與短脅橫屬於尻。又魚橫者。四物共俎。殊之也。賈疏魚在俎縮載腊之下體。以羊豕魚腊四

物其外故橫而殊之。腊兩髀屬于尻。尤賤不殊。賈疏腊用左右髀髀與尻相連屬不殊。故有兩髀尻在中。敖氏繼公曰。牢髀右髀也。橫脊短脅不二

骨者。俎實已多。故此畧之。魚橫之。亦據人而言也。其義與加于所者同。牢皆用右髀。腊兩脾不殊。皆取尸俎之不用者耳。腊亦髀者。與牲並用。故體亦效之。祝俎一而已。乃雜用五俎之物者。見其尊也。不賓尸之禮。主人主婦俎亦然。

**案**魚橫之。猶是縮載也。牢體皆橫于俎。於人為縮。魚殊

之于俎爲縮于人爲橫矣。尻兩髀中有竅處也。兩髀屬之則載于俎之末端與祝接神。尤貴者故雖遠下尸而俎實之多猶爾也。

祝取菹換于醢祭于豆閒祝祭俎。

**鄭氏**康成曰大夫祝俎無肺祭用膚遠下尸賈疏特性。

尸俎有祭肺離肺祝俎有離肺無祭肺是下尸今大夫亦皆有祝則離肺祭肺俱無是遠下尸也。

敖氏繼公曰祭俎取膚以祭也取膚以祭亦振祭噉之既則反之于俎士虞餞尸以乾肉半尹爲祭其祭之也。

其祭噉之反之此膚乃俎實異于豆祭不可以置乎地。

其儀當與乾肉之祭同不言振祭噉之亦文省耳。

**祝**俎無肺者以賓尸用肺多也祭以膚者髀脊脅腸胃皆不便于祭也。注又謂不噉之膚不盛夫噉者固不必其盛也。敖氏以乾肉折俎之祭例之當矣。

祭酒啐酒肝宰從祝取肝換于鹽振祭噉之不與加于俎卒爵興。

**敖氏**繼公曰肝宰當作宰肝俎牲俎也。鄭氏康



成曰亦如佐食授爵乃興賈疏主人獻祝祝卒爵坐授主人爵與與二佐食同不

拜既爵大夫祝賤也賈疏特牲祝卒角拜主人答拜以士之故祝不賤此大夫尊故祝賤

不拜既也

**祝不拜既爵變于士禮亦以賓戶故畧也**

主人酌獻上佐食上佐食戶內牖東北面拜坐

受爵主人西面答拜

**正禮** 敖氏繼公曰取節于牖見其少西于其他之北面

拜者也凡室中北面拜者皆在戶牖閒其言戶西者則

近於戶其言牖東者則近于牖

**禮** 祝有席佐食無席經但著其位

佐食祭酒卒爵拜坐授爵興

**禮** 鄭氏康成曰不啐而卒爵者大夫之佐食賤禮畧

賈疏特牲佐食亦啐天子諸侯禮雖七或對天子諸侯佐食啐乃卒爵貴故也 敖氏繼公曰

拜蓋衍文祝與佐食皆不拜既爵者遠下戶亦大夫禮

異也佐食與則出立于戶外士虞記曰佐食無事則出

戶負依南面

祝尚不拜既爵則佐食可知亦以賓尸故畧于正祭之旁禮也疏謂天子諸侯之佐食貴者天子諸侯蓋不別立佐食如大司徒奉牛牲羞其肆大司馬羞牲魚授其祭大司寇奉犬牲皆佐食之職以六卿爲之又雖詩云於薦廣牲相予肆祀以辟公爲之諸侯亦當以卿大夫爲之可知故云貴也

### 俎設于一兩階之間其俎折一膚

**正義**鄭氏康成曰佐食不得成禮于室中折者擇取牢

正體餘骨折分用之 郝氏敬曰佐食室中受爵而不

設俎俎在堂下兩階之間特牲記云佐食無事則中庭北面俎即設於其所

**正義**鄭氏康成曰有脊而無薦亦遠下尸賈疏有脊即俎實也無薦

無菹醢也既無肺已足下尸又無薦是遠下尸也

**正義**敖氏繼公曰下篇獻衆賓以至於私人皆有薦脊

佐食在衆賓之中又有上事不宜貶于私人但有脊而無薦此不云薦亦文畧也又不賓尸之禮云其獻祝與

二佐食其位其薦胥皆如儻則此佐食有薦明矣折說見特牲記

主人又獻下佐食亦如之其胥亦設于階間西上亦折一膚

**禮記**鄭氏康成曰上佐食既獻則出就其俎特牲記曰佐食無事則中庭北面謂此時 敖氏繼公曰卒獻則主人受爵以實于下篚而升復位特牲禮曰佐食卒角主人受角降反于篚

**禮記**西上者上佐食之俎在西下佐食之俎在東也蓋亦順尸之面位而爲之獻畢則亦自執其薦以降而設于俎南與

### 右主人獻祝佐食

有司贊者取爵于篚以升授主婦贊者于房戶

戶當從 敖作東

**禮記**鄭氏康成曰男女不相因賈疏言男女不相因者不相因爵也 敖

氏繼公曰篚下篚也主婦亞獻用下篚之爵豈此時內

篚未有爵與。婦人不可以取爵於庭。故有司為取之。戶字誤授受于戶。當言內外東西。不宜單言也。下篇曰。司宮取爵于篚。以授婦贊者于房東。此戶亦當為東與。

婦贊者。安以授主婦。主婦洗于房中。出酌入戶。

西面拜獻尸。

**正義** 鄭氏康成曰。入戶西面拜。由便也。不北面者。辟人君夫人也。賈疏特牲主婦北面拜。注云。辟內子也。則拜是士妻卑不嫌得北面與君夫人同也。而後獻者。當俠拜也。士昏禮曰。婦洗在北堂。直室東隅。

尸拜受主婦主人之北。西面拜送爵。

**正義** 鄭氏康成曰。拜於主人之北。西面。婦人位在此。拜於北。則上拜於南矣。

尸祭酒卒爵。主婦拜。祝受尸爵。尸答拜。

**正義** 敖氏繼公曰。尸不啐而卒爵。為無從也。

**案** 特牲主婦亞獻時。宗婦執兩籩。主婦以設于敦南。兄弟長以燔。從此無者。特牲室中成禮。無賓尸于堂之事。故即備籩燔。此別行賓尸。凡加豆加籩。錡燔之等。皆于

賓尸時進之禮各異也

易爵洗酌授尸。

**正義**鄭氏康成曰。祝出易爵。男女不同爵。敖氏繼公曰。易爵。易于下篚也。酢而易爵。亦內子禮異也。下篚在洗西。故因易爵而洗之。凡尸酢不洗。賓尸乃或有之。

主婦拜受爵。尸答拜。

**正義**敖氏繼公曰。主婦受酢不夾爵拜。亦變于不賓尸之禮。

上佐食。綏祭。主婦西面于主人之北。受祭祭之。

其綏祭如主人之禮。不嘏。卒爵拜。尸答拜。注。綏亦當

作援古  
文為所

**正義**鄭氏康成曰。不嘏。夫婦一體。敖氏繼公曰。士妻

撫祭。內子受祭。又有于房于室之異。皆相變也。主婦既

祭。又祭酒。乃卒爵。下篇曰。主婦立卒爵。執爵拜。鄭氏

敬曰。其綏祭如主人禮。二佐食取四敦黍稷。一切肺同

也不嘏。統于主人也。

主婦以爵出贊者受。

**正義**鄭氏康成曰贊者有司贊者也。

右主婦獻尸尸酌

易爵于篚以授主婦于房中。

**正義**鄭氏康成曰易爵亦以授婦贊者婦贊者受于房

戶外入授主婦。敖氏繼公曰此易爵于下篚則內篚

初無爵明矣易爵于下篚乃不洗者辟祝為尸易爵之

禮也。

**存疑**敖氏繼公曰贊者與主婦親授受亦變于初

**案**經不言授主婦贊者蒙上獻尸之文故省耳未必親

授受也當以注為正。

主婦洗酌獻祝祝拜坐受爵士婦答拜于主人

之北卒爵不興坐授主婦。注今文曰祝拜受

**正義**鄭氏康成曰不俠拜下尸也。敖氏繼公曰主婦

必洗者為贊者終其事也獻祝可以不洗。

主婦受酌獻上佐食于戶內。佐食北面拜坐受

欽定儀禮正義疏 卷三十一  
爵主婦西面答拜。祭酒卒爵，主授主婦，主婦獻下佐食，亦如之。主婦受爵以入于房。

**正義** 鄭氏康成曰：不言拜于主人之北，可知也。爵奠于內篚。敖氏繼公曰：上云主人之北，此云西面，上云不與此云祭酒，皆互見也。

**禮記** 主婦于祝及二佐食，俱不使拜者，以降等則其儀簡也。獻祝則洗，二佐食不洗，簡之中又有等也。

### 右主婦獻祝佐食

賓長洗爵獻于尸。尸拜受爵，奠于尸西北面，拜送爵。尸祭酒，卒爵，賓拜祝受尸，尸答拜。

**正義** 賈氏公彥曰：尸祭酒卒爵，與特牲止爵異者，特牲

欲神惠之，均於室中，待夫婦致爵。大夫禮有賓尸，故不致爵，爵不止也。若然，有司徹尸作止爵，三獻致爵于主人，主人不酢，又不致爵于主婦，其不賓尸，賓獻尸止爵。主婦致爵于主人，酢主婦，主人不致于主婦，特牲主人與主婦交相致爵，參差不同者，大夫得賓尸，故不致爵。

上辟人君。其不賓尸者。增酢主婦而已。士卑不嫌與君同。故致爵具也。

祝酌授尸。賓拜受爵。尸拜送而酌。賓坐奠爵遂拜。執爵以興。坐祭。遂飲卒爵。執爵以興。坐奠爵拜。尸答拜。

**正義** 敖氏繼公曰。賓受酢而俠拜。與夫奠爵拜執爵興之類。皆放主人事尸之禮爲之。

### 右賓獻尸尸酢

賓獻祝。祝拜。坐受爵。賓北面答拜。祝祭酒。酒奠爵于其筵前。

**正義** 鄭氏康成曰。啐酒而不卒爵。祭事畢。示醉也。不獻

佐食。將賓尸。禮殺。賈氏公彥曰。祝與佐食俱事神。及

尸。是以獻尸並及之。今賓獻祝不及佐食者。但爲有賓尸。則賓長之獻爲祭末禮殺。故不及佐食也。敖氏繼

公曰。不卒爵。故啐而奠之筵前。席南也。蓋北面奠之奠于此者。明其與他奠爵之禮異也。祝不卒爵。又不及佐



食蓋放不賓尸未獻之儀。

### 右賓獻祝

主人出立于阼階上西面祝出立于西階上東面祝告曰利成。

**正義**鄭氏康成曰利猶養也成畢也孝子之養禮異。

李氏如圭曰特牲禮尸外告利成此于階上尊者彌遠於尸。敖氏繼公曰階上亦皆序內。

祝人尸謾主人降立于阼階東西面祝先尸從

遂出于廟門。謾疏屋反注或作休

**正義**鄭氏康成曰謾起也。事尸之禮訖于廟門外。賈疏上祝

迎尸于廟門畢又送尸于廟門索祭統尸在廟門外則疑于臣是以據廟門為斷 敖氏繼公

曰祝先先尸而行也其出尸降階及門之時亦皆鄉尸

而還畧如士虞記所云也尸出廟門祝宜告以主人將

有事則尸于門外次中俟之士冠禮曰請醴賓賓就次

郝氏敬曰尸出于廟門外俟儻也。

祝反復位于室中主人亦入于室復位祝命佐

食徹所俎降設于堂下阼階南。

**正義**鄭氏康成曰徹所俎不出門示將賓口之意也不

云尸俎未歸尸敖氏繼公曰不賓尸之禮尸出則佐食出尸俎於廟門外有司受歸之

敖氏繼公曰所俎而以賓尸者賓尸之俎宜俱用尊體

所俎有肩髀之屬在焉不得于是乎取之也終以歸

尸故無嫌佐食亦上佐食也阼階南近於鄉者所升之

處也

**正義**鄭氏康成曰所俎而以賓尸者其本為不反魚肉

耳賈疏曲禮云毋反魚肉謂食魚肉不反俎故尸食亦加所俎今賓尸將更食魚肉當加于所俎未得即送

尸家故賓尸訖並後加者得歸之也

**正義**尸不反魚肉故尸所舉者皆加于所此釋所以設所

俎之意至于用所俎以賓尸鄭固未之及也所俎賓尸

用其俎實以欬耳下篇無更設所俎之文疏乃謂賓尸

更食魚肉當更加于所俎未協

右尸出祭畢

司宮設對席乃四人暮暮與餒同

**正義**鄭氏康成曰大夫禮四人暮明惠大也。賈氏公

彥曰祭統云凡餽之道每變以衆所以別貴賤之等而

興施惠之象是故上有大澤則惠必及下是以特牲二

人餽惠之小者大夫四人餽則惠之大者也。郝氏敬

曰對席室中東西對設席兩佐食兩賓為四人

**禮記**設對席而四人餽則二人共一席矣西面之席當少

北以主人之位在其南也

### 上佐食盥升下佐食對之賓長二人備

**正義**鄭氏康成曰備西人餽也三餽亦盥升賈氏繼公曰三餽亦

盥升以特牲禮舉奠及長兄弟盥而推之也賈氏公彥曰下佐食對之不

謂東西相當上佐食東面近南下佐食西面近北為對

賓長二人備亦不東西相當一賓長在上佐食之北一

賓長在下佐食之南也。敖氏繼公曰賓長二人謂去

賓及衆賓長也此佐食皆異姓故可使賓長對之。郝

氏敬曰室中之事佐食與尸周旋久而闕一獻神惠宜

首及賓長助獻因得陪食也。

大夫不以嗣舉奠。辟諸侯世子之禮也。既不舉奠，故亦不與于餽。下篇佐食不與于賓尸之禮，蓋自餽而後。佐食無事矣。長賓在上，佐食之左，東面。眾賓長在下，佐食之左，西面。

司士進一敦黍于上，佐食。又進一敦黍于下，佐食。皆右之于席上。

**正義** 鄭氏康成曰：右之者，東面在南，西面在北。賈氏公彥曰：右之，飯用手，右之便也。郝氏敬曰：上佐食居

西席之右，下佐食居東席之右，故曰皆右之于席上。

**案** 尸東面在輿，近南。今尸起，上佐食居尸坐處，故知上佐食東面近南，下佐食西面近北。

資黍于羊俎兩端，兩下是餽。

注今文  
資作齋

**正義** 鄭氏康成曰：資猶減也。減置于羊俎兩端，則一賓長在上，佐食之北。一賓長在下，佐食之南。賈氏公彥曰：兩下者，二賓長於二佐食為下。敖氏繼公曰：兩端當肩髀之處也。羊俎兩端，其于兩下亦皆為右。兩下是

餽謂二賓長以此黍餽也餽主于二佐食故以二賓長為兩下。

**凡俎皆橫設之**此羊俎肩一端在南髀一端在北上文云徹所俎此云資黍則五俎之設自若也俎設自若不分簋而資黍于俎皆大夫禮異也。

司士乃辯舉。暮者皆祭黍祭舉。注今文辯為徧

**鄭氏**康成曰舉舉膚。賈疏尸舉肺餽者下尸明不舉肺當舉膚特牲云佐食授

舉各一膚此大夫禮亦然敖氏繼公曰辯舉舉膚以授四及膚即

在特俎者

主人西面三拜奠者。暮者奠舉于俎。皆答拜皆反取舉。

**鄭氏**康成曰三拜旅之示徧也言反者拜時或去

其席在東面席者東面拜在西面席者皆南面拜。賈疏在西面席者嫌與主人同面拜故迴身南面也敖氏繼公曰西面于其位也言

此者明其不為二人西面而易位拜之也奠舉于俎亦各于其所近者與皆答拜答一拜也反取舉復取舉于

俎也言反者明其鄉者亦在手也。

**存義** 敖氏繼公曰。暮者答拜無異文則是西面者亦西面拜矣。

**案** 主人之位近戶。在下餽之南。注云。在西面席者南面拜。若西面則嫌於不鄉之理。或然也。

司士進一鉶于上。暮。又進一鉶于次。暮。又進二豆。滂于兩下。乃坻日食。食舉。滂去及反音泣

**正義** 鄭氏康成曰。滂肉汁也。賈氏公彥曰。神坐之上。

止有羊豕二鉶。一進于上佐食。一進于下佐食。故更說二豆滂于兩下。滂從門外饌中來。以兩下無鉶。故進滂也。李氏如圭曰。坻。食。食。豕也。食舉。食膚也。敖氏繼公曰。兩下資豕于俎。又有滂無鉶。皆下于上。暮者也。此二佐食。眾賓也。兩下。賓長也。暮則佐食反尊于賓長者。以其勞于室事。故報禮特重焉。祝不暮者。接神職。尊不敢使之暮也。二鉶上暮羊。下暮豕。然則二豆滂亦羊豕各一與。

祝不暮者。不但以其尊。此暮以二人對二人。若以祝則難乎其為對也。

卒食。主人洗一爵。升酌以授上暮。贊者洗三爵。酌主人受于戶內。以授次暮。若是以辯。皆不拜受爵。主人西面三拜。贊者奠爵。皆答拜。皆祭酒。卒爵。奠爵皆拜。主人答壹拜。注古文壹為一。

**正義**鄭氏康成曰。答壹拜。畧也。賈疏。四暮皆拜。主人總答一拜。敖氏

繼公曰。贊者蓋亦宰夫也。每于將酌乃洗爵。云洗三爵。

總言之耳。若是謂酌授受也。辯及於兩下也。皆不拜受爵者。人多重勞。主人一一答之也。暮者奠爵拜。亦與士異。答一拜。卒爵禮輕。可以畧。特牲二人暮。其禮亦然。凡大夫士之禮。其答卒爵拜者皆一拜也。乃見之者。嫌人多。或旅之也。

**正義**鄭氏康成曰。不拜受爵者。大夫餒者賤也。賈疏。特牲使嗣。

子與兄弟餒為貴。故拜受爵。

**正義**特牲暮者拜受爵。少牢暮者不拜受爵。亦禮之相變。

少牢饋食禮

也。非闕餽者之貴賤而然。凡餽之道。每變以衆。君卿大夫皆餽焉。豈有主祭者尊而暮反賤乎。

暮者三人興出。

**鄭氏康成曰**。出降反賓位。敖氏繼公曰。不執爵以出。統於上暮也。

上暮止。主人受上暮爵。酌以醋于戶內。西面坐奠爵拜。上暮答拜。坐祭酒。啐酒。

**鄭氏康成曰**。主人自酢者。上暮獨止。當尸位。尊不

酌也。與疏特牲上暮親酌醋主人此不親酌者。上暮將嘏主人故在尸位不可親酌也。敖氏

繼公曰。主人啐酒者為聽嘏。凡既祭酒而未得即享爵者必啐酒。

**案**。主人自酌者。達暮之意。欲酢主人。且與特牲士禮相變也。注謂上暮當尸位是也。尊不酌恐未然。特牲上暮亦當尸位。其親酌也。則謂之何。

上暮親嘏曰。主人受祭之福。如室壽保。建家室。

**鄭氏康成曰**。親嘏不使祝。敖氏繼公曰。上暮親



金... 禮記卷之三十一  
胡。且不以黍惟以辭別于尸也。胡如胡福之胡。

**特牲禮有祝辭無嘏辭。**祝曰暮。有以也。見興惠遠下之意。以士之餼者。嗣子及長兄弟親者也。親主於愛。少牢禮有嘏辭。無祝辭。嘏曰主人受祭之福。胡壽保建家室。則歸福于主人之意。以大夫之餼者。佐食及賓疏者也。疏主於敬故也。士冠禮注云。胡猶遐也。遠也。主人興坐奠爵拜。執爵以興。去卒爵拜。

敖氏繼公曰。重嘏故其辭曰。至是乃云主人興。是

坐而聽嘏也。亦殺于尸。

上暮答拜。上暮興出。主人送。尸退。

**敖氏繼公曰。**上暮興出。則是不受主人爵也。主人奠爵。上暮不受。示禮有終。且為有司將徹之也。出。謂出戶。送。謂送之于戶外。退。上暮退立於賓位也。賓以出為退。主人以入為退。

**存疑**鄭氏康成曰。送佐食不拜。賈氏公彥曰。賓主之禮。賓出。主人皆拜送。此佐食賤。故送之而不拜。

凡出而主人拜送者謂大門也。上養之出出于室戶耳。尚未出廟門何緣有拜。主人出戶而復入故云送。稍異于暮者三人之出而主人不出也。暮者三人與出注云。出降反賓位。此佐食胡獨異乎。

右暮

祭統言餼者祭之末也。善終者如始。餼其是矣。凡餼之道每變以衆。所以別貴賤之等。而興施惠之象也。是故以四簋黍見其脩于廟中也。四簋黍者記若

謂士二簋餼以一。大夫四簋餼以二。諸侯六簋餼以四。若天子八簋餼以六也。其二簋不以餼留其有餘神惠不可盡也。

